



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : SHARON LUTHERAN SCHOOL
學校名稱 : 路德會沙崙學校
Name of Play 劇名 : 考試藥丸
Script writer 劇作者 : 路德會沙崙學校戲劇組學生 (劇本整理：Matchy Choi 蔡迅彥)

Synopsis 故事大綱：

如果，命運能選擇，你又會點選擇？周維儀、常淘寶和吳曉婷是「留堂室」的常客，屬於「學校金字塔」的低端人又。一天，常淘寶意外地在網上發現「考試藥丸」，為三人解決考試難題。自此三人躍升至「學校金字塔」頂端，成為學校寵兒，可喜可賀。就在三人洋洋得意之際，駭然發現網站已被移除。面對足以影響一生的呈分試而又沒有「考試藥丸」，三人應該點選擇？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Scene 1：留堂室

（音樂起，群眾拿起課室檯、櫈、書本等艱辛的拖步行走，不時有人走來申訴。他們漸漸將手上的檯櫈組成一個「留堂室」）

群眾 Look down, look down,
Don't look 'em in the eye
Look down, look down
You're here until you die

杜宇軒 點解，點解，我次次考試都唔合格㗎？

群眾 Look down, look down
There's twenty years to go

陳子涵 主耶穌，求你畀我合格一次啦。

群眾 Look down look down
Sweet Jesus doesn't care

阮陪聰 我阿媽阿爸對我好大期望㗎

群眾 Look down, look down
They've all forgotten you

林鉅軒 我明明已經溫到好熟，唔知點解唔記得㗎。

群眾 Look down, look down

陳太溫 啲書咁深我溫唔到，你不如放過我啦。

群眾 Look down, look down

訓導老師 （拿出試卷）周維儀、吳曉婷、常淘寶，你地中文測驗得最級最低分！

三人 我地又唔合格？

訓導老師 係。你地三個今日放學後要去留堂，喺嗰度溫到識為止……

三人 又留堂……

訓導老師 你地係全級最低分！

周維儀 之前嗰晚我有溫書，所有測驗範圍都背好晒。

訓導老師 咁你要努力啲，你要再一次留堂，直到你知道點讀書！

周維儀 我由細到大都好畀心機…

（訓導老師不理他們的申訴，要求他們離開，在後面的同學取笑三人後離去。台上只剩三人對著試卷。）

周維儀 （羞愧）20 分…

吳曉婷 你好過我，你睇，（向周展示試卷）我只得 10 分

常淘寶 嘩，睇嘢啦（拿出試卷炫耀）全級之最，0 分！

（吳搶走常的試卷來研究）

常淘寶 老師都唔知係唔係有心害我地，專門出啲我地無溫嘅嘢。

周維儀 （氣憤）我呢次已經好畀心機溫書㗎啦，都唔知點解只得 20 分。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

吳曉婷 我明明背咗嘍，係對住份卷就唔識答之嘛。
周維儀 唉，下個月個就係「呈分試」喇，佢係會決定我地考到乜嘢中學、乜嘢中學決定我地入唔入到大學、入唔入到大學就會決定我地做乜嘢工…三次呈分試足以影響我地嘅一生！
常+吳 呀，我地只係一個小學生咋～
周維儀 我一定要考好佢！如果唔係…

(時間暫停音效起，其他人靜止，進入周維儀的想像世界，數學老師、宗教老師、訓導老師出，以下三位老師的對白緊接)

數學老師 (一臉厭惡) 你又考唔好個考試…
宗教老師 (滿帶愛心的關懷) 哎呀，點解你考得咁差？
訓導老師 (極嚴厲) 你全部答案都錯，抄答案十次！
數學老師 (一臉厭惡) 點解嘍，有溫書無理由會咁嘍波。
宗教老師 (滿帶愛心的關懷) 唔得啦你要努力少少啦，如果唔係的話，你就要留班啦。
訓導老師 (極嚴厲) 去留堂室，繼續溫習。見家長！
(時間恢復音效起，回到現實)

常淘寶 我都要考好呢個試，因為…

(時間暫停音效起，其他人靜止，進入常淘寶的回憶，黃琬亮、唐雅瑜、張佩芝在台的一角取笑，以下為三位學霸緊接的對白)

數學老師 (一臉厭惡) 你又考唔好個考試…
宗教老師 (滿帶愛心的關懷) 哎呀，點解你考得咁差？
訓導老師 (極嚴厲) 你全部答案都錯，抄答案十次！
數學老師 (一臉厭惡) 點解嘍，有溫書無理由會咁嘍波。
宗教老師 (滿帶愛心的關懷) 唔得啦你要努力少少啦，如果唔係的話，你就要留班啦。
訓導老師 (極嚴厲) 去留堂室，繼續溫習。見家長！

(時間恢復音效起，回到現實)

常淘寶 我都要考好呢個試，因為…

(時間暫停音效起，其他人靜止，進入常淘寶的回憶，黃琬亮、唐雅瑜、張佩芝在台的一角取笑，以下為三位學霸緊接的對白)

黃、唐、張 哈哈
黃琬亮 你真係叻啦！零分都考得出！真係唔明你點做到！
唐雅瑜 誰叫你唔溫書，抵死～
張佩芝 What? 抵你死，考試唔合格。
黃琬亮 抵你係「學校金字塔」嘅低端人口！
唐雅瑜 又零蛋啊？正一廢青！
張佩芝 Well，你真係太叻啦，簡直係「神一般」嘅水平！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

三人 哈哈...
(時間恢復音效起，回到現實)
吳曉婷 每次考試，我都擔心爸爸媽媽會唔高興，上次考試我又考零分...
(時間暫停音效起，其他人靜止，進入吳曉婷的回憶)
吳曉婷爸爸 (嚴重的咳嗽) 你今日係咪派咗測驗卷?
吳曉婷媽媽 (滿心期待) 係啲，快啲畀份爸爸媽媽睇下...
(吳曉婷慢慢的將試卷交給爸爸)
吳曉婷爸爸 零分?!
吳曉婷媽媽 (傷心地) 點解會咁?我明明有同你溫...
吳曉婷 對唔住...
吳曉婷爸爸 對唔住有咩用?對唔住可以重考㗎?你...你...
吳曉婷媽媽 爸爸...爸爸...你無事呀嘛?爸爸...
(爸爸忽然抽搐，越抽越烈，最後倒在地上，靜止。時間恢復音效起，回到現實)
吳曉婷 嗰次阿爸住咗三日醫院...所以...
三人 (為自己打氣) 我唔可以再畀自己唔合格!

Scene 2：考試藥丸

周維儀 第一步，就係要搞掂今日個留堂。
常淘寶 聽講學校有新安排，測驗唔合格要留堂溫書，溫到你識為止。
吳曉婷 (歇斯底里) 吓?!咁如果我溫極都唔識嘅話未無得返屋企?咁我阿爸阿媽點算呀?我想返屋企呀!
常淘寶 (捉著吳曉婷) 冷靜啲先!我近排喺網上發現咗呢樣嘢...
(常淘寶用iPad 展示網頁給二人看)
吳+周 考·試·藥·丸?
吳曉婷 適合各式考試、測驗、專業試...
周維儀 包合格攞滿分，考試無難度...
常淘寶 即買即到，滿分立刻到手!
吳曉婷 呢樣嘢信唔信得過㗎?
常淘寶 落單未知囉~訂夠... (屈指一算) 30 粒!訂購!
(常淘寶一按下「訂購」，忽然傳來敲門聲，三人望向班房大門)
淘淘專員 (國語) 淘淘網送貨!
三人 咁快?
(再次傳來敲門聲，常淘寶走向大門開門，有一淘淘專員衝入班房內。以下淘淘專員是用不熟正的廣東話)
淘淘專員 請問係咪訂咗「淘淘網」喇，親?
常淘寶 我啱啱落單咋啲...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

淘淘專員 「即買即到」係我地嘅服務承諾囉，親！
常淘寶 嘩～畀個五星星正評你。
淘淘專員 謝謝你，期待你再下單，親。(準備離去)
吳曉婷 咪走住！
淘淘專員 有乜事呢，親？
吳曉婷 呢樣嘢點用㗎？
淘淘專員 只要(做出「食藥丸」的動作)就可以喇，親。
常淘寶 咁神奇！
淘淘專員 呀，溫馨提示：呢棵藥丸只有 1 小時效力。
周維儀 1 小時？
淘淘專員 我地仲有款「2 小時」裝跟「5 小時」裝，歡迎到本店選購的，親。
常淘寶 下次一定買。
淘淘專員 期待你下次光臨，親。
(淘淘專員似風一樣離開，只剩 3 人呆望著包裹)
吳曉婷 呢個世界真係有咁神奇嘅嘢？
常淘寶 要知道佢係咪真，食落肚就會知。
吳+周 食落肚？

(時間暫停音效起，其他人靜止，進入周維儀的想像世界，天使群及魔鬼群進入，天使及魔鬼的服裝跟三人相近，以對應三人各自的天使與魔鬼)

周魔鬼 梗係食啦，食咗呢粒「考試藥丸」就可以逢考試都擺滿分㗎～
其他魔鬼 擺滿分，擺滿分！
周維儀 你地係邊個呀？
周魔鬼 我係你嘅朋友…
吳魔鬼 (展示自己的服裝，與吳的服裝相似) 我就係吳曉婷嘅朋友…
常魔鬼 (展示自己的服裝，與常的服裝相似) 我就係常淘寶嘅朋友…
周魔鬼 我嚟係幫助你成功㗎～有咗呢粒「考試藥丸」你就可以逢考試都擺滿分…
其他魔鬼 擺滿分，擺滿分！
天使群 唔好食呀(場外音)
周天使 你唔好相信佢地呀～
吳天使 你唔清楚這粒藥丸係咩…
常天使 佢可能有毒，唔好食呀！
周維儀 (對照服裝) 睇嚟你地係常淘寶同吳曉婷嘅天使
周天使 你唔好相信佢地呀～
周魔鬼 你唔係想一世考試都零分呀嘛？
周天使 呢樣嘢都唔知有無效，濫藥會上癮
周魔鬼 吃了之後會變 Clever，如果不吃的話會繼續拿零分，你咁聰明你梗識揀。
周天使 做人要誠實，千祈唔好食呀～



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

訓導老師 「突擊測驗」！

(時間恢復音效起，眾天使魔鬼雜去，忽然之間訓導老師自課室門衝入，打破周維儀的想像世界。)

訓導老師 你地三個只要答到 3 條我出嘅問題，你地就可以返屋企，答唔到就要繼續留堂繼續溫！

常淘寶 好，就由我先。

(《百萬富翁》音樂出)

訓導老師 中文題：單元五《在海裡》嘅段落大意係點？

常淘寶 乜中文有課叫《在海裡》咩？

訓導老師 OUT！繼續留堂！（向吳曉婷）吳曉婷！

吳曉婷 我？（無信心的上前）

訓導老師 數學題：「梯形的面積」計算公式係乜嘢？

吳曉婷 Er,

訓導老師 OUT！上底加下底乘高除 2 都唔識！

吳曉婷 我想返屋企呀～

訓導老師 (向周維儀) 周維儀，到你！

周維儀 我而家點呀？

(時間暫停音效起，其他人靜止，進入周維儀的想像世界，天使及魔鬼群進入)

周魔鬼 食咗佢你就擺滿分！

其他魔鬼 擺滿分、擺滿分！

周天使 千祈唔好食，食咗會上癮！

其他天使 會上癮、會上癮！

周魔鬼 唔通你一世都想畀人鬧？

其他魔鬼 畀人鬧、畀人鬧？

周天使 咪信佢，佢地係壞人！

其他天使 係壞人、係壞人！

(周魔鬼指示其他魔鬼將天使群打量)

周魔鬼 而家安靜晒喇，食啦，食咗佢你就可以有番尊嚴喇！

(周維儀一又吞下「考試藥丸」，時間恢復音效起，回到現實世界)

周維儀 放馬過嚟啦～

訓導老師 英文題：請串出 Buy 嘅過去分詞。

周維儀 B. O. U. G. H. T. , Bought !

訓導老師 數學題：「 $80 \times 2 + 6 - 2 \times 40 \div 2$ 」係等於幾多？

周維儀 126 !

訓導老師 (驚訝周維儀的快速回應) 再嚟奧數題：

人 + 去人 + 去人 = 人上人

咁「人」係乜嘢？

周維儀 係 5 !

訓導老師 (震驚，只好放人) Dismiss !



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

三人 (興高采烈) Goodbye and Thank you Ms. Yim
(訓導老師轉身離去)
三人 YEAH !

Scene 3 : 我變快樂了

(音樂起，幾個短片，呈現三人食了「考試藥丸」後在學校開心快樂的日子，當中有三名學霸的妒忌)

- 老師愛戴
- 受同學歡迎及崇拜
- 在不同的頒獎禮獲得殊榮

三人在課室指導同學，學霸在課室一角商議。

黃琬亮 聽講有人呢排啲學業成績好好！
唐雅瑜 逢考必識，逢答必中，科科都一百分
張佩芝 由第尾升到第一，Unbelievable！
黃琬亮 一定有古怪！
唐雅瑜 計我話，佢實係出貓～
張佩芝 Absolutely！下堂宗教科測驗，不如我地等陣搜佢身！
黃琬亮 一於咁話！

(課堂鐘聲響起，宗教老師進入課室)

宗教老師 各位同學午安。
各位同學 鍾老師早晨。
宗教老師 願主耶穌賜福大家。今日嘅努力，建立日後嘅成就。今日係我地宗教科測驗嘅大日子，願大家一同努力。而家派卷。(派卷)
黃琬亮 老師，我地懷疑有人出貓。
宗教老師 出貓？出貓係唔可以接受嘅行為。
張佩芝 Agree no more, Ms. Chung. 我地良心告訴我地要向你陳明呀。
宗教老師 好，咁係邊個出貓？
黃琬亮 我地懷疑係周維儀、吳曉婷、常淘寶佢地三個出貓。
周維儀 鍾老師，我地無出貓呀。
唐雅瑜 請你搜查周維儀同學。
張佩芝 Please...
宗教老師 「遮掩自己過犯的，必不亨通；承認並離棄過犯的，必蒙憐憫。」
常淘寶 佢地亂講咋
宗教老師 如果你地真係出貓嘅話，知唔知會有乜後果？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(剛好訓導老師經過課室門口，正在追捕五名犯錯學生)

訓導老師 你地幾個同我企喺度！

(五名學生立即停下來，訓導老師追上眾人並拖離走廊。課室內眾人不寒而慄)

吳曉婷 鍾老師，我地真係無出貓。

黃琬亮 (三人竊竊私語) 有好戲睇喇…

唐雅瑜 呢次你仲唔死…

張佩芝 Yes…

(宗教老師上前準備搜周維儀的身，先祈禱。三位學霸甚為期待)

宗教老師 「父阿！赦免他們！因為他們所作的，他們不曉得。」

(宗教老師搜周維儀身不果，三位學霸大失所望)

宗教老師 你地三個放學嚟見我！

(眾人靜止)

Scene 4：寶貝已下架

(課堂鐘聲響起，宗教老師走出課室。三位學霸垂頭喪氣的走出課室，周維儀、吳曉婷、常淘寶三人上前取笑)

常淘寶 吳曉婷，我而家懷疑你出貓。

吳曉婷 常淘寶，我夠懷疑你出「包」。

常淘寶 (用手做「剪」) 唔係喎，係「剪」嚟㗎！…咪住，我懷疑你…出「暗瘡」呀！

吳曉婷 (港女feel，緊張的找面上的暗瘡) 吓，真㗎？

常淘寶 呃你咋！

吳+常 哈哈～

張佩芝 ENOUGH！你地講夠未呀

常淘寶 你懷疑人就得～

黃琬亮 無聊！

吳曉婷 無聊得過你地，亂咁話人出貓？

唐雅瑜 (為之氣結) 費事同你講。

(三位學霸忿然離去，常及吳哈哈大笑)

周維儀 你地唔好玩人啦！

常淘寶 佢地真係好無聊。

吳曉婷 喂，下星期個呈分試，你地準備好未？

常淘寶 使乜準備？只要有「考試藥丸」就得啦。

吳曉婷 我啲「考試藥丸」食完喇。

周維儀 我都係，不如再訂囉。

常淘寶 交畀我啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(常淘寶打開電腦，按了幾下，忽然大叫起來。)

周+吳 乜嘢事呀？

常淘寶 「此寶貝已下架」？！

周維儀 即係乜嘢意思呀？

常淘寶 我地之前訂「考試藥丸」條 link 唔 work 喎。

吳曉婷 你有無搞錯咗？

常淘寶 (緊張地按電腦) 無理由...等我 search 一下先... 搵唔到

周維儀 可唔可以打電話畀之前個「淘淘專員」？

常淘寶 (緊張地按電腦) 試下先...

淘淘專員 淘淘專員，有甚麼可以幫你喇，親？

常淘寶 我想問點解我地之前訂「考試藥丸」條 link 唔 work 嘅？

淘淘專員 噢，親，那是我們雙 11 的特惠，已經賣完了。

常淘寶 咁而家我地點算呀？

淘淘專員 可以買我們的留班藥丸，專為留班同學而設。

常淘寶 我唔要啦，拜拜。

吳曉婷 即係點呀？

常淘寶 我地買唔到「考試藥丸」呀～

三人 (慘叫) O.M.G. !

(開場的音樂響起，進入三人的想像世界，重現周維儀的老師片段、常淘寶的學霸片段、吳曉婷的爸爸片段，片段重現但扭曲及重複，像惡夢的樣子，三人逃避於片段之間)

群眾 Uh, Uh, Uh, Uh, Uh, Uh, Uh, Uh, Uh, Uh, Uh, Uh, Uh, Uh,

三人 呀～

(忽然，有平靜的天使音樂聲出，所有人暫停，天使群出場，因為之前被魔鬼襲擊，天使群頭上裹著紗布)

周天使 周維儀、吳曉婷、常淘寶...

三人 天使？

周天使 我地係嚟救你地㗎...

周維儀 好呀，我地而家無晒啲「考試藥丸」，下星期個考試實死無疑啦。

常淘寶 你可以幫我搵返多啲「考試藥丸」嗎？

常天使 我話咗你地㗎喇...

吳曉婷 我地知錯喇！你可以幫我嘛？

吳天使 Music !

天使群 (唱起歌) 「如果，命運能選擇...」

常淘寶 天使，你做乜嘢呀？

天使群 (唱起歌) 「如果，命運能選擇...」

周維儀 (忤憎) 你做乜唱歌呀？

天使群 (唱起歌) 「如果...」

吳曉婷 夠啦，你唔幫我地就算啦，我地自己搵方法！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

周天使 如果，你嘅命運可以畀你再選擇嘅話，你會點選擇？
 等我畀多一次機會你啦。
三人 真嘅？
天使群 Go, Go, Go!
(忽然，所有人受天使群的法力牽引不停地打轉)
眾人 嘩～

Scene 5：命運能選擇

(場面一片混亂，周維儀一人站在中央拿著「考試藥丸」。音樂響起，有數個周維儀、吳曉婷、常淘寶用功溫書的片段：

- 三人在球場一角溫習，互相幫忙
- 三人向老師請教
- 三人努力溫書，有人來邀請打籃球都拒絕

中間亦夾雜一班壞學生給訓導老師進捕的片段。最後是一個早會的場景，台上有校長致詞，有其他老師在旁。)

校長 正所謂「學海無涯，為勤是岸」，今年獲得成績進步獎的同學有三名，分別係周維儀，吳曉婷同埋常淘寶…

(三人上台接受獎項，眾人鼓掌。三位天使出場，像特務一樣搜索)

周天使 (在台的一角) 你地嗰邊見唔見到佢地呀，OVER？

吳天使 我呢邊唔見嗎。常天使，你嗰邊呢？

常天使 都唔見佢地，睇嚟佢地走咗喇。OVER！

周天使 我地唔可以鬆懈，班魔鬼隨時都會返嚟引誘佢地。

吳、常天使 唔！

(三人擺出作戰的姿勢，愉快的音樂響起，燈暗。)

全劇完